


百衲本

宋書

國家圖書館出版社

2

南朝梁·沈約撰



百衲本

宋書

南朝梁 · 沈約撰

2

國家圖書館出版社





臣沈約新撰

百官上

太宰一人周武王時周公旦始居之掌邦治為六卿之首秦漢魏不常置晉初依周禮備置三公三公之職太師居首景帝名師故置太宰以代之太宰蓋古之太師也殷紂之時箕子為太師周武王時太公為太師周成王時周公為太師周公薨畢公代之漢西京初不置平帝始復置太師官而孔光居焉漢東京又廢獻帝初董卓為太師卓誅又廢魏世不置晉既因太師而置太宰以安平王孚居焉

太傅一人周成王時畢公為太傅漢高后元年初用王陵

太保一人殷太甲時伊尹為太保周武王時召公為太保漢平帝元始元年始用王舜後漢至魏不置晉初復置焉自太師至太保是為三公論道經邦變理陰陽無其人則關所以訓護人

主導以德義者

相國一人漢高帝十一年始置以蕭何居之罷丞相何薨曹參代之參薨罷魏齊王以晉景帝為相國晉惠帝時趙王倫愍帝時南陽王保安帝時宋高祖順帝時齊王竝為相國自魏晉以來非復人臣之位矣

丞相一人殷湯以伊尹為右相仲虺為左相秦悼武王二年始置丞相官丞奉相助也悼武王子昭襄王始以樗里疾為丞相後又置左右丞相漢高

宋書志二十九

二

何浩

帝初置一丞相十一年更名相國孝惠高后置左右丞相文帝二年復置一丞相哀帝元壽二年更名大司徒漢東京不復置至獻帝建安十三年復置丞相魏世及晉初又廢惠帝世趙王倫篡位以梁王彤為丞相永興元年以成都王穎為丞相愍帝建興元年以琅邪王睿為左丞相南陽王保為右丞相三年以保為相國睿為丞相元帝永昌元年以王敦為丞相轉司徒荀組為太尉以司徒官屬并丞相為留府敦不受成

帝世以王導為丞相罷司徒府以為丞相府導薨罷丞相復為司徒府宋世祖初以南郡王義宣為丞相而司徒府如故

太尉一人自上安下曰尉掌兵事郊祀掌五獻大喪則告諭南郊堯時舜為太尉官漢因之武帝建元二年省光武建武二十七年罷大司馬置太尉以代之靈帝末以劉虞為大司馬而太尉如故

司徒一人掌民事郊祀掌省牲視濯大喪安梓

三十九

宋志二十九

三

馬

宮少昊氏以鳥名官而祝鳩氏為司徒堯時舜為司徒舜攝帝位命契為司徒契立孫之孫曰微亦為夏司徒周時司徒為地官掌邦教漢西京初不置哀帝元壽二年罷丞相置大司徒光武建武二十七年去大

司空一人掌水土事郊祀掌掃除陳樂器大喪掌將校復土舜攝帝位以禹為司空契之子曰冥亦為夏司空房湯以各置為司空周時司空為冬官掌邦事漢西京初不置成帝綏和元年

更名御史大夫為大司空哀帝建平二年復為御史大夫元壽元年復為大司空光武建武二十七年去大字獻帝建安十三年又罷司空置御史大夫御史大夫郝慮免不復補魏初又置司空

大司馬一人掌武事司主也馬武也堯時棄為后稷兼掌司馬周時司馬為夏官掌邦政項籍以曹咎周殷竝為大司馬漢初不置武帝元狩四年初置大司馬始直云司馬議者以漢有軍候千人司馬官故加大及置司空又以縣道官有

三十八

宋志二十九

四

馬

獄司空又加大王莽居攝以漢無小司徒而定司馬司徒司空之號竝加大光武建武二十七年省大司馬以太尉代之魏文帝黃初二年復置大司馬以曹仁居之而太尉如故

大將軍一人凡將軍皆掌征伐周制王立六軍晉獻公作二軍公將上軍將軍之名起於此也楚懷王遣三將入關宋義為上將漢高帝以緡信為大將軍漢西京以大司馬冠之漢東京大將軍自為官位在三司上魏明帝青龍三年

晉宣帝自大將軍爲太尉然則大將軍在三司下矣其後又在三司上晉景帝爲大將軍而景帝叔父孚爲太尉奏改大將軍在太尉下後還復舊晉武帝踐阼安平王子爲太宰鄭冲爲太傅王祥爲太保義陽王望爲太尉何曾爲司徒荀顗爲司空石苞爲司馬陳騫爲大將軍凡八公同時並置唯無丞相焉有蒼頭字宜祿至漢丞相府每有所關白到閣輒傳呼宜祿以此爲常丞相置三長史丞相有疾御史大夫率百僚三旦問

三品
宋書志二十九
五
馬

起居及奏詔遣尚書令若光祿大夫賜養牛上尊酒漢景帝三公病遣中黃門問病魏晉則黃門郎尤重者或侍中也魏武爲丞相以來置左右二長史而已漢東京太傅府置掾屬十人御屬一人令史十二人不知皆何曹也自太尉至大將軍車騎驃騎將軍皆有長史一人將軍又各置司馬一人太傅不置長史也太尉府置掾屬二十四人西曹主府吏署用事東曹主二千石長吏遷除事戶曹主民戶祠祀農桑

事奏曹主奏議事辭曹主辭訟事法曹主郵驛科程事尉曹主卒徒轉運事賊曹主盜賊事決曹主罪法事兵曹主兵事金曹主金幣鹽鐵事倉曹主倉穀事黃閣主簿省錄衆事御屬一人令史十二人御屬主爲公御令史則有閣下記室門下令史其餘史闕案掾屬二十四人自東西曹凡十二曹然則曹各置掾屬一人合二十四人也司徒置掾屬三十一人御屬一人令史三十五人司空置掾二十九人御屬一人令史三十一人司空別有

三品
宋書志二十九
六
馬

道橋掾其餘張減之號史闕不可得知也漢東京大將軍驃騎將軍從事中郎二人掾屬二十九人御屬一人令史三十人騎衛將軍從事中郎二人掾屬二十人御屬一人令史二十四人兵曹掾史主兵事稟假掾史主稟假又置外刺茲主罪法其領兵外計則營有五部部有校尉一人軍司馬一人部下有曲曲有軍候一人曲下有屯屯有屯長一人若不置校尉則部但有軍司馬一人又有軍假司馬軍假候其別營者

則為別部司馬其餘將軍置以征伐者府無員
職亦有部曲司馬軍候以領兵焉案大將軍以
下掾屬與三府張減史闕不可得智宣令史御
屬者則是同三府也其云掾史者則是有掾而無
屬又無令史御屬不同三府也魏初公府職寮
史不備書及晉景帝為大將軍置掾十人西曹
東曹戶曹倉曹賊曹金曹水曹兵曹騎兵各一
人則無屬矣魏元帝咸熙中晉文帝為相國相
國府置中衛將軍驍騎將軍左右長史司馬從

宋志二十九

七

事中郎四人主簿四人舍人十九人參軍二十
二人參戰十一人掾屬三十三人東曹掾屬各
一人西曹屬一人戶曹掾一人屬二人賊曹掾一
人屬二人金曹掾屬各一人兵曹掾屬各一人騎兵
掾一人屬二人車曹掾屬各一人鎧曹掾屬各二人
水曹掾屬各二人集曹掾屬各二人法曹掾屬各一人
奏曹掾屬各一人倉曹屬二人戎曹屬一人馬
曹屬一人媒曹屬一人合為三十三人散屬九
人凡四十二人晉初凡位從公以上置長史副

東閣祭酒西曹東曹掾戶曹倉曹賊曹屬各
一人加兵者又置司馬從事中郎主簿記室督各
一人舍人四人為持節都督者置參軍六人安
平獻王孚為太宰增掾屬為十人兵鎧士營軍
刺茲五曹皆置屬并前為十人也楊駿為太
傅增祭酒為四人掾屬為二十人兵曹分為左
右法金田集水戎車馬十曹皆置屬則為二十
人趙王倫為相國置左右長史司馬從事中郎四
人參軍二十人主簿記室督祭酒各四人掾屬

宋志二十九

七

四十人東西曹屬其餘十八曹皆置掾則四十
人矣凡諸曹皆置御屬令史學幹御屬錄
事也江左以來諸公置長史倉曹掾戶曹屬東
西閤祭酒各一人主簿舍人二人御屬二人令
史無定員領兵者置司馬一人從事中郎二人參
軍無定員加崇者置左右長史司馬從事中郎
四人掾屬四人則倉曹增置屬戶曹置掾江左
加崇極於此也長史司馬舍人秦官從事中郎掾
屬主簿令史前漢官陳湯為大將軍主風從事

中郎是也御屬參軍後漢官孫堅爲車騎參軍事是也本於府主無敬晉世太原孫楚爲大司馬石苞參軍輕慢苞始制施敬祭酒晉官也漢吳王濞爲劉氏祭酒夫祭祀以酒爲本長者主之故以祭酒爲稱漢之侍中魏之散騎常侍高功者並爲祭酒焉公府祭酒蓋因其名也長史從事中郎主吏司馬主將主簿祭酒舍人主閣內事參軍掾屬令史主諸曹事司徒若無公唯省舍人其府常置其職寮異於餘府有左右長史左西曹掾屬各二人

三十一

宋志二十九

九

楊春

東曹西曹度支戶曹法曹金曹倉曹理曹中兵外兵騎兵典兵兵曹賊曹運曹禁防典賓鎭曹田曹士曹騎士車曹參軍其東曹西曹度支金曹理典兵兵曹賊曹運曹禁防典賓騎士車曹凡十三曹今闕所餘十二曹也其後又有直兵長流刑獄城局水曹右戶墨曹七曹高祖爲相合中兵直兵置一參軍曹則猶二也今小府不置長流參軍者置禁防參軍蜀丞相諸葛亮府有行參軍晉太傅司馬越府又有行參軍兼行參軍後漸加長兼字除拜則爲參軍事府板則爲行參軍晉末以來參軍事行參軍又各有除板板行參軍不則長兼行參軍參軍督護江左置本皆領營有部曲今則無矣公府長史司馬秩千石從事中郎六百石東西曹掾四百石他掾三百石屬二百石

三十二

宋志二十九

十

楊春

特進前漢世所置前後二漢及魏晉以爲加官從本官車服無吏卒晉惠帝元康中定位今在諸公下驃騎將軍上

驃騎將軍一人漢武帝元狩二年始用霍去病
爲驃騎將軍漢西京制大將軍驃騎將軍位次
丞相

車騎將軍一人漢文帝元年始用薄昭爲車騎
將軍魚豢曰魏世驃騎爲都督儀與四征同若
不爲都督雖持節屬四征者與前後左右雜號
將軍同其或散還從文官之例則位次三司晉宋
車騎衛不復爲四征所督也

衛將軍一人漢文帝元年始用宋昌爲衛將軍

二八七

宋書志二十九

十一

辰三

三號位亞三司漢章帝建初三年始使車騎將
軍馬防班同三司班同三司自此始也漢末奮
威將軍晉汪右伏波輔國將軍並加大而儀同
三司江左以來將軍則中鎮撫四鎮以上或加
大餘官則左右光祿大夫以上並得儀同三司
自此以下不得也

持節都督無定員前漢遣使始有持節光武建
武初征伐四方始權時置督軍御史事竟罷建
安中魏武帝爲相始遣大將軍督軍二十一年

征孫權還夏侯惇督二十六軍是也魏文帝黃
初二年始置都督諸州軍事或領刺史三年上
軍大將軍曹真都督中外諸軍事假黃鉞則總
統外內諸軍矣明帝太和四年晉宣帝征蜀加
號大都督高貴公正元二年晉文帝都督中外
諸軍尋加大都督晉世則都督諸軍爲上監諸
軍次之督諸軍爲下使持節爲上持節次之假
節爲下使持節得殺二千石以下持節殺無官位
人若軍事得與使持節同假節唯軍事得殺犯
軍令者晉江左以來都督中外尤重唯王導居
之宋氏人臣則無也江夏王義恭假黃鉞假黃
鉞則專戮節將非人臣常器矣

六三〇四

宋書志二十九

十二

辰四

征東將軍一人漢獻帝初平三年馬騰居之
征南將軍一人漢光武建武中岑彭居之
征西將軍一人漢光武建武中馮異居之
征北將軍一人魚豢曰四征魏武帝置秩二千
黃初中位次三公漢舊諸征與偏裨雜號同
鎮東將軍一人後漢末魏武帝居之

鎮南將軍一人後漢末劉表居之

鎮西將軍一人後漢初平三年韓遂居之

鎮北將軍一人

中軍將軍一人漢武帝以公孫敖爲之時爲魏號

鎮軍將軍一人魏以陳羣爲之

撫軍將軍一人魏以司馬宣王爲之

中鎮撫三號比四鎮

安東將軍一人後漢末陶謙爲之

安南將軍一人

七十四

宋志二十九

十三

王洪林

安西將軍一人後漢末段熲爲之

安北將軍一人魚豢曰鎮北四安魏黃初太和

中置

平東將軍一人

平南將軍一人

平西將軍一人

平北將軍一人四平魏世置

左將軍

右將軍

前將軍

後將軍

左將軍以下周末官秦漢並因之光武建武七

年省魏以來復置

征虜將軍漢光武建武中始以祭遵居之

冠軍將軍楚懷王以宋義爲卿子冠軍冠軍之

名自此始也魏正始中以文欽爲冠軍將軍楊

州刺史

輔國將軍漢獻帝以伏完居之宋太宗泰始

三十四

宋志二十九

十四

沈利

四年改爲輔師後廢帝元徽二年復故

龍驤將軍晉武帝始以王濬居之

東中郎將漢靈帝以董卓居之

南中郎將漢獻帝建安中以臨淄侯曹植居之

西中郎將

北中郎將漢建安中以陽陵侯曹鄴居之凡四

中郎將何承天去竝後漢置

建威將軍漢光武建武中以耿弇爲建武大將軍

振威將軍後漢初宋登爲之

奮威將軍前漢世任千秋爲之

揚威將軍魏置

廣威將軍魏置

建武將軍魏置

振武將軍前漢末王況爲之

奮武將軍後漢末呂布爲之

揚武將軍光武建武中以馬成爲之

廣武將軍晉江左置

三十七

宋書志二十九

十五

鷹揚將軍漢建安中魏武以曹洪居之

折衝將軍漢建安中魏武以樂進居之

輕車將軍漢武帝以公孫賀爲之

揚烈將軍建安中以假公孫淵

寧遠將軍晉江左置

材官將軍漢武帝以李息爲之

伏波將軍漢武帝征南越始置此號以路博德

爲之

凌江將軍魏置自凌江以下則有宣威明威驍

威厲威威厲威寇威虜威戎威武武烈武毅武

奮綏遠綏邊綏戎討寇討虜討難討夷蕩寇蕩

蕩虜蕩難蕩逆殄寇殄虜殄難掃夷掃寇掃虜

掃難掃逆厲武厲鋒虎威虎牙廣野橫野偏將

軍裨將軍凡四十號其威虜漢光武以馬浚居

之虎牙以蓋延居之爲虎牙大將軍橫野以耿

純居之蕩寇漢建安中蒲寵居之虎威于禁居

之其餘或是後漢及魏所置今則或置或不自

左右前後將軍以下至此四十號唯四中郎將

三十八

宋書志二十九

十六

各一人餘皆無定負自車騎以下爲刺史又都

督及儀同三司者置官如領兵但云都督不儀

同三司者不置從事中郎置功曹一人主史在

主簿上漢末官也漢東京司隸有功曹從事史

如諸州治中因其名也功曹參軍一人主佐

記室下戶曹上監以下不置諮議記室餘則

同矣宋太宗已來皇子皇弟雖非都督亦置記

室參軍小號將軍爲大郡邊守置佐吏者又置

長史餘則同也

太常一人舜攝帝位命伯夷作秩宗掌三禮即其任也周時曰宗伯是為春官掌邦禮秦改曰奉常漢因之景帝六年更名曰太常應劭曰欲令國家盛大常存故稱太常前漢常以列侯忠孝敬慎者居之後漢不必列侯也

博士班固云秦官史臣案六國時往往有博士掌通古今漢武建元五年初置五經博士宣成之世五經家法稍增經置博士一人至東京凡十四人易施孟梁丘京氏尚書歐陽大小夏侯詩齊

三百八十一

宋書志二十九

十七

吳文昌

魯韓禮大小戴春秋嚴顏各一博士而聰明有威重者一人為祭酒魏及晉西朝置十九人江左初減為九人皆不知掌何經元帝末增儀禮春秋公羊博士各一人合為十一人後又增為十六人不復分掌五經而謂之太學博士也秩六百石

國子祭酒一人

國子博士二人

國子助教十人周易尚書毛詩禮記周官儀

禮春秋左氏傳公羊穀梁各為一經論語孝經為一經合十經助教分掌國子周舊名周有師氏之職即今國子祭酒也晉初復置國子學以教生徒而隸屬太學焉晉初助教十五人江左以來損其員自宋世若不置學則助教唯置一人而祭酒博士常置也

太廟令一人丞一人竝前漢置西京曰長東京曰令領齋郎二十四人

明堂令一人丞一人丞漢東京初置令宋世

三百八十二

宋書志二十九

十八

具文

祖大明中置

太祝令一人丞一人掌祭祀讀祝迎送神太祝周舊官也漢西京置太祝令丞武帝太初元年更名曰廣記漢東京改曰太祝

太史令一人丞一人掌三辰時日祥瑞妖災歲終則奏新曆太史三代舊官周世掌建邦之六典正歲年以序事頒朔于邦國又有馮相氏掌天文次序保章氏掌天文今之太史則并周之太史馮相保章三職也漢西京曰太史

令漢東京有二丞其一在靈臺

太樂令一人丞一人掌凡諸樂事周時爲大司
樂漢西京曰太樂令漢東京曰太子樂令魏復
爲太樂令

陵令每陵各一人漢舊官也

乘黃令一人掌乘輿車及安車諸馬魏世置自
博士至乘黃令並屬太常

光祿勳一人丞一人光明也祿爵也勳功也秦曰
郎中令漢因之漢武太初元年更名光祿勳掌

大司馬

宋書志二十九

十九

虞

三署郎郎執戟衛宮殿門戶光祿勳居禁中如
御史有獄在殿門外謂之光祿外部光祿勳郊
祀掌三獻魏晉以來光祿勳不復居禁中又無
復三署郎唯外官朝會則以名到焉二臺奏劾
則將光祿加禁止解禁止亦如之禁止身不得
入殿省光祿主殿門故也宮殿門戶至今猶屬
晉哀帝興寧二年省光祿勳并司徒孝武寧
康元年復置漢東京三署郎有行應四科者歲
舉茂才二人四行二人及三署郎罷省光祿勳

猶依舊舉四行衣冠子弟充之三署者五官署
左署右署也各置中郎將以司之郡舉孝廉
以補三署郎年五十以上屬五官其次分在左
右署凡有中郎議郎侍郎郎中四等無負多
至萬人

左光祿大夫

右光祿大夫二大夫晉初置光祿大夫秦時爲
中大夫漢武太初元年更名光祿大夫晉初又
置左右光祿大夫而光祿大夫如故光祿大夫

二

宋書志二十九

二十一

五

銀章青綬其重者加金章紫綬則謂之金紫
光祿大夫舊秩比二千石

中散大夫王莽所置後漢因之前漢大夫皆無
負掌論議後漢光祿大夫三人中大夫二十人
中散大夫三十人魏以來復無負自左光祿大
夫以下養老疾無職事中散六百石

衛尉一人丞二人掌宮門屯兵秦官也漢景初
改爲中大夫後元年復爲衛尉晉江右掌冶鑄
領冶令三十九戶五千三百五十冶皆在江此

而江南唯有梅根及冶塘二治皆屬揚州不屬衛尉衛尉江左不置宋世祖孝建元年復置舊一丞世祖增置一丞

廷尉一人丞一人掌刑辟凡獄必質之朝廷與衆共之之義兵獄同制故曰廷尉舜攝帝位咎繇作士即其任也周時大司寇爲秋官掌邦刑秦爲廷尉漢景帝中六年更名大理武帝建元四年復爲廷尉哀帝元壽二年復爲大理漢東京初復爲廷尉

后十五

宋書志二十九

二十一

廷尉正一人

廷尉監一人正監並秦官本有左右監漢光武省右猶云左監魏晉以來直云監

廷尉評一人漢宣帝地節三年初置左右評漢光武省右猶云左平魏晉以來直云評正監評並以下官禮敬廷尉卿正監秩千石評六百石廷尉律博士一人魏武初建魏國置

大司農一人丞一人掌九穀六畜之供膳羞者舜攝帝位命棄爲后稷即其任也周則爲太

府秦治粟內史漢景帝後元年更名太農令武帝太初元年更名曰大司農晉哀帝末省并都水孝武世復置漢世丞二人魏以來一人太倉令一人丞一人秦官也晉江左以來又有東倉石頭倉丞各一人

導官令一人丞一人掌春御米漢東京置導擇也擇米令精也司馬相如封禪書云導一並六穗於庖

藉田令一人丞一人掌耕宗廟社稷之田於周

三十八

宋書志二十九

二十二

李鼎

爲甸師漢文帝初立藉田置令丞各一人漢東京及魏並不置晉武太始十年復置江左省宋太祖元嘉中又置自太倉至藉田令並屬司農少府一人丞一人掌市服御之物秦官也漢因之掌禁錢以給私養故曰少府晉哀帝末省并丹陽孝武世復置

左尚方令丞各一人

右尚方令丞各一人並掌造軍器秦官也漢因之於周則爲玉府晉江右有中尚方左尚方右尚方江

左以來唯一尚方宋高祖踐阼以相府部配臺謂之左尚方而本署謂之右尚方焉又以相府細作配臺即其名置令一人丞二人隸門下世祖大明中改曰御府置令一人丞一人御府二漢世典官婢作藝衣服補浣之事魏晉猶置其職江左乃省焉後廢帝初省御府置中署隸右尚方漢東京太僕屬官有考工令主兵器弓弩刀鎧之屬成則傳執金吾入武庫及織綬諸雜工尚方令唯主作御刀綬劍諸玩好器物而

宋書志二十九

二十三

徐廣

已然則考工令如今尚方令今中署習矣

東冶令一人丞一人

南冶令一人丞一人漢有鐵官晉置令掌工徒

鼓鑄隸衛尉江左以來省衛尉度隸少府宋世

雖置衛尉治隸少府如故江南諸郡縣有者或

置冶令或置丞多是吳所置

平准令一人丞一人掌涿秦官也漢因之漢隸

司農不知何世隸少府宋順帝即位避帝諱改

曰涿署

將作大匠一人丞一人掌土木之役秦世置將作少府漢因之景帝中六年更名將作大匠光武二年省以謁者領之章帝建初元年復置晉氏以來有事則置無則省

大鴻臚掌贊導拜授諸王秦世為典客漢置帝中六年更名大行令武帝太初元年更名大鴻臚鴻臚也臚陳也晉江左初省有事則權置事畢即省

宋書志二十九

二十四

徐廣

太僕掌輿馬周穆王所置秦因之周官則校人

掌馬巾車尚車及置太僕兼其任也晉江左或

置或省宋以來不置郊祀則權置太僕執轡事

畢即省

太后十卿各一人應氏漢官曰衛尉少府秦官

太僕漢成帝置皆隨太后宮為號在正卿上無

太后乃闕魏改漢制在九卿下晉復舊在同號

卿上

大長秋皇后卿也古后則置無則省秦時為將行漢景帝中六年更名大長秋韋曜曰長秋者

以皇后陰官秋者陰之始取其終而長欲其久也自太常至長秋皆置功曹主簿五官漢東京諸郡有五官掾因其名也漢制卿尹秩皆中二千石丞一千石

尚書古官也舜攝帝位命龍作納言即其任也周官司會鄭玄云若今尚書矣秦世少府遣吏四人在殿中主發書故謂之尚書尚猶主也漢初有尚冠尚衣尚食尚浴尚席尚書謂之六尚戰國時已有尚冠尚衣之屬矣秦時

有尚書令尚書僕射尚書丞至漢初並隸少府漢東京猶文屬焉古者重武官以善射者掌事故曰僕射僕射者僕役於射事也秦世有左右曹諸吏官無職事將軍大夫以下皆得加此官漢武帝世使左右曹諸吏分平尚書事昭帝即位霍光領尚書事成帝初王鳳錄尚書事漢東京母帝即位輒置太傅錄尚書事薨輒省晉康帝世何充讓錄表曰咸康中分置三錄王導錄其一荀崧陸曄各錄六條事然則

通鑑

宋書卷二十九

二十五

章懷

似有二十四條若止有十二條則荀陸各錄六條導又何所司乎若導摠錄荀陸分掌則不得復云導錄其一也其後每置二錄輒云各掌六條事又是止有十二條也十二條者不知悉何條晉江右有四錄則四人參錄也江右張華江左庾亮並經關尚書七條則亦不知皆何事後復何充解錄又參關尚書錄尚書職無不摠王肅注尚書納于大麓曰堯納舜於尊顯之官天錄萬機之政也凡重號將軍刺史皆得命曹授用唯不得施除及加節宋世祖孝建中不欲威權外假省錄大明末復置此後或置或省漢獻帝建安四年以執金吾榮邵爲尚書左僕射衛臻爲右僕射二僕射分置自此始也漢成帝建始四年初置尚書員四人增丞亦爲四人曹尚書其一曰常侍曹主公卿事其二曰二千石曹主郡國二千石事其三曰民曹主吏民上書事其四曰客曹主外國夷狄事光武分二千石曹爲二又分客曹爲南主客曹北主客曹改

三百五

宋書卷二十九

二十六

章懷

